



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinae, 1603

Vita S. Illidii Arvenorvm antistitis quarti; ex ea extat apud Gregor.
Turonens. Lib. de vita Patr. cap. 2.

urn:nbn:de:hbz:466:1-42728

niomensi & Tornacensi antistite eleuatum est 3. Kalend. Augusti. Filia verò Bertulphi ex vxore secunda, luminibus à natiuitate orba, cum aqua illa, quæ submersione eius & martyrij gloria celebris habebatur, oculos lauisset, protin⁹ à perpetuis tenebris liberata est. Quod sanè beneficiū, vt grata memoria perpetuis temporibus celebraretur, extruxit ibidem sacrarū virginū domicilium, sub regula D. Benedicti militantium. In quo cœnobio, ipsi virgini Godeleuæ sacro, niueus eius cruor, qui ex ore & naribus in submersione emanauit, ad perpetuam rei memoriā conseruatur.

Filla Bertulphi à natiuitate cæca sanatur.

VITA S. ILLIDI ARVERNORVM ANTISTITIS quarti; ex ea quæ extat apud Gregor. Turonens. Lib. de vita Patr. cap. 2.

Vide Notap. C. Baro. In Martyro: Roma.

7. Iulij.

B Illidius cum ab ipsa infantia, vt mortificatis mēbris soli Christo vineret, diuersas abstinentiæ cruces sibi adhibuisset, tantam demū, Domino largiente, vitæ sanctimoniam, tantaq; gratiarum charismata est affectus, vt vnanimi omnium suffragio, Deo inspirate, ad Aruernæ Ecclesiæ Pontificalem Cathedralē sublimatus sit. Vndè factum est, vt fama virtutum eius, nō solum ipsos Aruerni territorij terminos vicinarumq; vrbium fines adiret: verū etiā Treuerici Imperatoris aures attingeret. Cuius quidē filia cum à spiritu immundo correpta grauiter vexaretur, & non inueniretur, à quo posset erui: ilicò beatum Illidiū directis ad eū pueris ad se euocauit. Quo potestati Regiē celeriter se repræsētate, ac venerabiliter admodū

Episcopus creatur Aruernorum.

Sanat demoniacam.

excepto, pater de exitu infelicitis conqueritur filia. Ille verò confusus in Domino, in oratione prosternitur, nocteq; cum sacris hymnis, canticisq; spiritualibus transacta, immixtis in os puellæ digitis, nequam spiritum à corpore abegit obsessæ. Quod miraculum Imperator cernens, immensam auri argentiq; vim sancto offert sacerdoti. Quam ille execrans ac refutans, hoc obtinuit ut Aruerna ciuitas, quæ tributa in specie triticea ac vinaria dependebat, in auro dissolueret: quia cum graui labore penu inferebatur Imperiali.

Moritur.

His ita feliciter gestis sacer Antistes ad propria remeans, in ipso itineris curriculo, corporalis ergastuli vinculis solutus migravit in cælos; à suisq; delatus, in vrbe sua conditus est; ubi plurima infirmis præstantur beneficia; quorum & author huius vitæ particeps fuit: Liberatus quippè ei⁹ meritis ab acerrima, qua vexabatur febre.

Miraculis claret post obitum.

Vide Tom. 3. Annal. C. Baronij. Anno Domini 308.

HEROICVM PLANE MARTYRIVM sancti Procopij, ex ea quæ est apud Metaphrasten. Eius acta citata reperiuntur, in secunda Synodo Nicæna. Act. 4. quo tempore agonem compleuerit, patet infra.

8. Iulij.

DIOCLETIANO & Maximiniano Romanum administrantibus imperium, res Christianorū in tantas eorum crudelitæte atque sauitia redactæ fuere angustias, ut non nisi sola morte eaque valde gloriosa ex turbulētissimo vitæ statu ad pacem ac gaudium denique sempiternū peruenire possent. Vastauerat Diocle-